


Sel Prestuhn  
Henry B. Eyring

Mwet in Kahsruh Se Met  
ke Prestuhnsi Se Met



# Palye ac Fwackyuck La Sifacna

**A**lu pwacye luhn Jisus Kraist sifilpac fohlohkihnyuckyak ac oasr fin facluh mihsenge. Alu luhn Jisus Kraist luhn Mwet Luhlahlfongi ke Lwen-sahflah pa kwacna kolyuck sin mwet pahluh moul ac mwet sap, suc eis kolyuck suwohs inkuhsrao me.

Atac wolacna se ingacn oacyacpac pwacyena emet me. Kuht lotwelah ke Pwacpuhl: “Leum God Fulat el tiac ku in oru kutena ma el fin tia akkalemye meet nuh sin mwet kulansap lal, mwet palu” (Amos 3:7).

God El oacyacpac sruhmuhn ke pacl lasr uh, kac! Mwet Pahluh Joseph Smith me. El fahkwack kac! mwet Pahluh Joseph me ke wosasuc luhn Jisus Kraist ke fohnlah la uh. El fohlohkohnwack pristut muhtahl Lal wi ki kac uh ac suwohs nuh kwewa, kuh, ac mukwikwi ke kuh muhtahl luhn pristut uh.

Ke lwen lasr uh, mwet pahluh moul ac mwet sap uh eis lwelah in sramsram, luti, ac kol ke kuh luhn God Pahpah ac Leum Jisus Kraist. Mwet Lahngo El fahk nuh sin Mwet Pahluh lah El tiac ekuhllah ma El sramsramkihn uh, Nga fahk, ac Nga tiac ahkmwesahsyeyuc sifacna; ac tuh inkuhsrao ac facluh fah wacngihnlac, tuh kaks Lal fah tiac wacngihnlac, tuh fah ahkfalyeyucklac, lah ke puhsrwek sifacna kuh ke kaks luhn mwet sap luhk, el oacna sie (liye D&C 1:38).

Ke toeni luhlahp pacl luo ke yac se, kuht ahkinsewoyeyuck ke pacl wowo in lohng ke kaks luhn Leum nuh sesr sin mwet sap Lal uh. Pa ingacn luhpan mwe

engan sahyac uh. Tuhsruhkuh luhpah se ke ma wolacna ingacn wiwina ma kuht eis ke kaks ye kuh ma Nguhn sac pacna suc sang nuh sin mwet kuhlwacnsap lal (liye D&C 50:19–22). Oacna ke elos eis kolyuck inkuhsrao me, oruh enenuh se nuh sesr pac. Ac enenuh se nuh sesr kuh ke nguhn sacn pacna.

## “Oruh Orekma Lom Lohm ah”

Yac tari ac sie sin mempucr ke U Luhn Mwet Sap Singucul Luo siyuck sihk in riti sie sramsram nuh ke toeni ma el ahkoelah nuh ke toeni luhlahp uh. Nga tuh sie mempucr fuhsr ke u sac. Nga srui ke luhlahlfongi lal muh nga kuh in kahsrwel in sokwack kaks Leum El kena elan sruhmuhn uh. El fahk nuh sihk ke sie isrwacsr srihsrihk, “O, pa inge srihkasrak ahk 22 ke sramsram se.”

Nga esam ke kaks in kahsruh luhngselacna ac kuhlwacng lal Prestuhn Harold B. Lee (1899–1973) suc el sana use nuh sihk ke ma wolacna yohk srihpac. “Hal, fin kom ke eis fwackyuck, oruh orekma lom lohman ah.”

Nga rit, nuhkuh kac, ac pruhe ke srihkasrak ahk 22 sacn. Nga lutlut yohk ngan kuh in eis moklweyuck luhn Nguhn Muhtahl. Ke pacl se mempucr se ke u sacn tuh oruh sramsram lal ah, nga ahksahfyelah orekma luhk ah. Nga tiac arlacna etuh lah nga kahsruh, tuh nga etuh lah nga eklac ke nga lohng sramsram sac oreklac ah. Pweng inge tuhkuh nuh sihk ahluhkwelah kaks nga riti ac kaks el sruhmuhn ah. Kaks ingacn arulacna yohk kalmac likina ma nga

riti ke srihkasrak sac ah. Ac pweng ingacn oacna in arlacna oasr kalmac nuh sihk, fal nuh ke enenuh luhk uh.

Mwet kuhlwacnsap luhn God uh lalo ac pruhe in eis pweng El ahkolah nuh selos in sang nuh sin suc enenuh fwackyuck ac moklweyuck uh. Ma nga lotwelah ke ohiyac sacn, ac puhs mwet sahyac luhngse kac, pa in eis mwe kahsrüh yohk in lohng sin mwet pahluh moul ac mwet sap uh, kuht enenuh in moli luhpah lasr sifacna ke eisyacn fwackyuck uh.

Leum El luhngse kais sie sesr suc kuh in lohng pweng Lal, ac El etuh insiyac ac ma oasr yurin kais sie. El etuh mwe ahkwoyelah, mwe ahkkweye, ac ma pwacye ke wosasuc ac wo emet in kahsrüh kais sie mwet in sulaclah inkacnek lalos ke inkacnek nuh ke moul ma pahpaht.

Kuht suc lohng kac ac liye pweng ke toeni luhlahp uh kuhtuh pacl uh nuhnkuh tohkoxyang, “Meac nga esam wo emet uh?” Leum El finsrakihn tuh top lasr kais sie in pa: “Nga fah tiacna muhkuhlah puhlan pacl ke nga puh-la puhsrwen Nguhn ke nuhnak luhk ac insiyuck fahk nuh sihk ma nga kuh in oruh in sang ahkinsewowoye Pahpah tuhmuhk Inkuhsrao ac Mwet Lahngo uh.”

Kuht kuh in eis fwackyuck la sifacna sacn ke pacl kuht lohng mwet pahluh ac mwet sap uh ac ke kuht orekma ke luhlalfongi in eis kac, oacna ke Prestuhn Lee el fahk muh kuht kuh uh. Nga etuh lah pwacye ke ma puhlakihnyuck ac ke mwe lohoh luhn Nguhn.

---

## LUTI KE PWENG SE INGE

Nuahnkuh in riti in yohk ke sramsram soko lal Prestuhn Eyring ke lutlutkihnyacn srihkasrak ke sramsram luhn mempucr se ke u lal an. Kom ac fah siyuck, “Meac molin eisyacn fwackyuck uh?” Tukun ahkuhtweyacyac lom an, kom kuh in sulii elos ma kom muhtwacta yohroh an in nuhnkuh ac nahwelah sie plwacn in eis

pweng ke toeni luhlahp ma apkuhran me an “ye koh-koh luhn Nguhn sac pacna suc elos sang nuh sin mwet kuhlwacnsap luhn [God] uh.”

## MWET FUHSR

### Pahpah Inkuhsrao El Sramsram nuh Sihk ke sie Sramsram ke Toeni

Sel Anne Laleska Alves de Souza

**N**ga tahfuh luo kuhtuh ke ma suc nga fah lutlutkihn ke university uh. Inkaiyacn mwet uh sruhmuhn kolukiyacn inkacnek se ma nga kena in eis ac, oruh nga pruhe nuh sin Leum in liye lah El insese nuh ke sulaclah se luhk uh.

Top luhk tuhkuh pacna ke lwen tohkoxyah ke nga riti sie sramsram ke toeni luhlahp ke *Liahona* uh. Nga puhla oacna Pahpah Inkuhsrao elan fahk nuh sihk muh El tiac kuh in sulaclah luhk—pa inge sie sulaclah ma nga enenuh in sifacna orwacnah. Nga etuh lah finne meac nga sulaclah, nga enenuh in orekma upac in orwacnah wo.

Nga etuh lah pruhe luhk uh toplac. Ahkkweyeyuck luhn Nguhn Muhtahl kahsrweyuc orwacnah sie sulacnah. Nga lotwelah in sang kuhiyuck kwewa ac etuh lah Pahpah Inkuhsrao El fah kahsrweyuc.

*Mwet sihm se inge muhta fin acn Sergipe, Brazil.*

## TUHLIHK SRIHSRIHK

### Ukwe Mwet Pahluh

**M**wet Pahluh ac mwet sap uh sramsram luhn Pahpah Inkuhsrao ac Jisus Kraist. Elos luti kuht in ukwe Jisus fuhkah. Mac kuhtuh sin ma mwet pahluh ac mwet sap uh siyuck sesr in oruh uh?



# Tuhlik Muhtwacn nuhtin Pahpah Ma Pahtpaht Tuhmasr

*Pruhe ke kom lutlutkih kuhfa inge ac suk in etuh lah meac kom ac akacsruhi kac.  
In kahlwem ke “Sucu: Sie Mwe Fahkwack nuh fin Facluh” ac ahkyohkye fuhkah  
luhlahlfongi lom ke God ac ahkinsewwoye mwet kom karinhgihn ke forfor luti uh?  
Nuh ke kuhtuh pac ma in etuh, som nuh ke [reliefsociety.lds.org](http://reliefsociety.lds.org).*

Luhlahlfongi, Sucu, Kahsruh

**M**a suhmuhslah uh luti kuht lah “kut tulik nutin God” (Acts 17:29). God El fahk nuh sel Emma Smith, muhtwacn kiyac! Mwet Pahluh Joseph Smith, oacna tuhlik muhtwacn nuhtihk (liye D&C 25:1). Mwe fahkwack luhn sucu luti kuht lah kais sie sesr “sie tuhlik muhtwacn . . . nguhn sacohk nuhtin ninac ac pahpah inkuhsrao uh.”<sup>1</sup>

“Ke [moul se met liki] facl se inge ah, kuht lotwelah ke atac ne tok ma pahtpaht luhn muhtwacn uh,” fwackyuck sel Carole M. Stephens, mwet kahsruh se met ke prestuhnsi luhlahp luhn Rilif Sosaiti.

“Fuhfahsryucsr in mahno lasr nuh facluh tiacna ekuhllah ma pwacye ingacn.”<sup>2</sup>

Pahpah tomowos Inkuhsrao El etuh inem ac etuh ma kom oasr kac,” fwackyuck sel Elder Jeffrey R. Holland ke U Luhn Mwet Sap Singucul Luo ah. “El lohng pruhe lom uh. El etuh finsrak ac mwemwe lom, weacng sahngweng ac fohs lom uh.”<sup>3</sup>

“Kais sie sesr ma luhn ac eneweyuck nuh ke sucu luhn God,” Tahmtahel Stephens el fahk. “Sucu fin facluh uh tiacna oacna sie. Ac ke

pac! kuht kampare in orwaclah sie akwuck kuh ke sucu, mempucr ke sucu luhn God uh ac tiacna wiwina ma sikyak—ke pahyuck, akwuck luhn ninac ac pahpah, ma sikyak ke mani, ma sikyak fin facluh, kuh finne kain in ma sikyak ma sihmlac ke mwe fwackyuck fin facluh uh.”<sup>4</sup>

## **Ma Suhmuhsrah Sahyac**

Jeremiah 1:5; Romans 8:16; Doctrine and Covenants 76:23–24

## **Ke Sramsram Mahtuh Lasr**

Ke ma suhmuhslah lal ke Ararama Se Met ah,<sup>5</sup> Mwet Pahluh Joseph Smith el ahkkahlwemye ke ma pwacye pucspucs—weacng lah Pahpah tuhmasr Inkuhsrao El etuh inesr.

Mwet Fuhsr Joseph el tihkucl-kucl in etuh lah piac kac alu in wi ac konwacack kolyuck lun James 1:5. Joseph el ahksahfye in siyuck sin God.

Ke sie lotutacng ke spring in 1820, el som nuh ke inimac uh in pruhe tuh sana in kohsrkohsrlah ke kuhtuh kuh luhn lohsh uh. El suhmuhslah ke ma se inge:

“Ke pac! se pacna inge ke sahngweng yohk, nga liye soko koan

kahlwem lucng likih fin sifuck, kahlwem likina kahlwem luhn faht uh, suc kais kuhtuhna puhtati nekena puhtati nuh fuck.

“In pac! se na ma inge sikyak ah, nga puhla lah nga fihlfihllac liki mwet lokoalok se ma kapriyucwi ac. Ke kahlwem sac srweyucwi ac nga liye Mwet Luo, suc kahlwemiyac ac wolacnaiyac ah ahluhkwelah ma kuh in ahkuhtweyucki kac uh, tulac lucng likiyuc ke yen engyeng uh. Sie selos sramsram nuh sihk, pahngon inek ac fahk, srihsrngiyac mwet se sahyac ah—*Pa inge Wen Kuloh Nuhtihk. Porongwac!*” (liye Joseph Smith—History 1:16–17).

## **MWE KAHSRUH**

1. “Sucu: Sie Mwe Fahkwack nuh fin Facluh,” *Liahona*, Nohfuhmpuh 2010, 129.
2. Carole M. Stephens, “Sucu uh Ma sin God,” *Liahona*, Mei 2015, 11.
3. Jeffrey R. Holland, “To Young Women,” *Liahona*, Nov. 2005, 28.
4. Carole M. Stephens, “Sucu uh Ma sin God,” 11.
5. Liye Gospel Topics, “First Vision Accounts.” [topics.lds.org](http://topics.lds.org).

## **Nuhkuh Ma Se Inge**

In etuh lah kom sie tuhlik muhtwacn nuhtin God kahsruh sulaclah lowos an fuhkah?